

¡BOMBA!

Detener al huachicol
va nomás en un aviso:
luego de este decomiso,
apenas se anotó un gol



K'intsil

Martes 8 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2515 · www.lajornadamaya.mx

U campamentoil Mystic, tu kaajil Texase', tu jets'aj jkíim 27 máak muuch'ul ka'ach te'elo'

Efe / 28
Oochel Reuters



Meyaj ku k'aaba'tik campamento de verano cristiano Mystic, táan ka'ach u beeta'al tu jaal río Guadalupe', tu jets'aj le lunes máanika' jkiim 27 u túul wiinik táan ka'ach u táakpajalo'ob te'el meyajo', ichil campistas yéetel instructores. Lelo' úuchik u ka'antal u ja'il le río', ka'aj búul u chúumuk-noojilil Texas le fin de semana máanika', ts'o'oke' lelo' yaan u beetik u yantal uláak' kimen'o'ob, ba'ale' tak walkila' ts'o'ok u náakal 82 u túulal ts'o'oke' u ya'abile' paalal, beey a'alab tumen u jo'olpópilo'ob kaaj.

"Jach luba'an k-ool je'el bix u ti'al u láak' le máaxo'ob tu pe'erto'ob wa máax ti' le k'aasil ba'al úucha'. Táan kpayalchi' tu yóok'olalo'ob", a'ala'ab ti' k'a'aytajil ts'iib.

K'a'amkach cháake' tu beetaj u séeb ka'antal u ja'il río Guadalupe, ka tu bulaj yéetel tu kóolaj yéetel mejen najo'ob, le beetik jp'aat k'aalil máak ichili' wa jsa'atij, ichilo'ob túune', ti' yaan le 27 máako'ob ti' u campamentoil Mystic.

Áantaj máako'obe' táan u jach meyajo'ob ti'al u kaxta'al máaxo'ob ma' ojéela'an tu'ux ts'o'oka'ano'ob. "Taanili' kt'aan yéetel u

jo'olpópilo'ob le kaajo', máaxo'ob ma' ch'éenek u meyajo'ob ti'al u kaxta'al xch'úupalalo'ob saatal", a'alab tumen campamento.

Yóok'olal beykaaj k'aasil ts'o'ok u yúuchule', campamento' tu k'áataj u kaláanta'al ba'ax ku ya'alal yéetel ba'ax ku k'iitbesa'al yóok'olal baatsilo'ob táan u máansiko'ob le talamila'.

Jo'olpópilo'obe' ts'o'ok u k'áatiko'ob ti' kaaj ka'aj u jach kaláantubáaj yóok'olal le ja' ku ka'antal te'el baantao', tumen táan cháak te'el k'iino'oba' kex ma' jach u k'iinili'. Áantaj máako'obe' táan u jach meyajo'ob ti'al u yilko'ob beyka'aj

ba'alo'ob t'so'ok u k'astal te'elo' yéetel ti'al u kaxta'al máaxo'ob saatal.

Tu yáak'abil domingoe', Larry Leitha Jr., juntúul u alguacilil Kerre', tu'ux jach chíika'an k'aasil ts'o'ok u yúuchule', tu k'a'aytaje' ts'o'ok u yantal 68 kimen máak, ts'o'oke' ti' le je'elo'obo' 40e' nojoch máako'ob yéetel 28e' paalal.

Ti' le je'elo'obo', 18e' ma' ojéela'an máaxo'obi, beyxan 10 u túul paalal.

Beyxan yaan uláak' 14 ti' uláak' naats' kaajo'ob: 6 tu kaajil Travis; 3 Burnet, 2 Kendall, 2 Williamson yéetel 1 Tom Green, a'alab tumen canal CNN.